

Kajjitōk Ekkā ko Kōn Kōjbarok Ajri ro jen Measles

KAJJITŌK KO KAKE MEASLES

Q Measles emaroñ ke kōmman am nañinmej?

Aet. Measles emaroñ lukkun kauwōtata im tōl ñan eloñ aepokpok ko, ekoba mej. Ñan waanjoñak, eitn 1 jen 5 ajri ro rejañin wā im rej bōk measles renij aikuj etal ñan aujpitōl, 1 ilo 20 remaroñ bōk nañinmej in pneumonia, im 1 ilo 1,000 enij bōbōj kōmalij ko aer eo ekauwōtata ñan mour.

Q Ta kakōlle ko an measles?

Measles kakōlle ko ekkā aer waļok 7 ñan 14 raan elikin epāake. Kakōlle ko ekkā aer waļok ekoba piba, pokpok, uwir boti, mao, im būroro, dāndān mej. Mao jen measles ekkā an jinoo jejjō raan elikin an piba jinoo im walok jinion ilo mej im ajedeed lal lok.

Q Eļañe juon armej ej bōk measles, remaroñ ke bōk kōmadmōd?

Ejelok kōmadmōd ko rejenolok ak kein mo jen measles. Jerbal in ājmour elap an lale kilen kadiklok kakōlle ko im kokajoor kea. Waween eo eman tata ñan bōbrae ajri eo nejum jen measles ej ñan lale bwe ren bōk MMR (measles, mumps, rubella) wā.

Q Ta eo ij aikuj kōmmāne eļañe ajri eo neju emōj an epāake measles?

Kwomaroñ loe juon kall jen rā eo an ājmour im ej ba ñan eok ke ajri eo nejum emaroñ kar epāake measles. Loore kōmelele ko jen rā eo an ājmour. Eļañe enij jinoo wōr an ajri eo nejum kakōlle in measles, kūrlok taktō eo aer ak juon aujpitōl ilo ien eo emokaj tata bwe ren ba ñan eok ta ñan kōmmāne tokelik. Kall mōkta jen am tōpar ñan kalikkar ke rebojjak ñan an eman am loelak er.

KAJJITŌK KO KŌN MMR WĀ

Q MMR wā eo eman ke ñan kōjbarok? Ewi waween ad jellā?

Aet. Milien ajri ro emōj aer bōk MMR jen ien eo eaar laiijen eloñlok jen 50 yiiō emootlok. Centers of Disease Control and Prevention (CDC, Jikin Kantūrol Nañinmej im Bobrae) im Food and Drug Administration (FDA, Opuij eo ej Bōk Eddoin Mōñā im Wūno) emōj aer kōjerbaļe eloñ jermal in kōjbarok ko ñan aer wonmaanolok ilo aer lale im kalikkar ke wā ko ejejjot kutien aer jermal. MMR ko emōj aer bar teej ñan kōjbarok ilo aolepen lalin.

Q Ta ko remaroñ walok elikin bōk MMR wā ak kauwōtata ko?

Elikin bōk MMR wā, ajri eo nejum emaroñ eñjake men ko redik rej walok tokelik, āinwot bōbōj ijo wā eo eaar kōmman, piba, ak mao. Men kein ekkā aer pād iumwin jejjō raan im māke jako. Men ko relaplok rejeja, ak emaroñ koba piba kajoore eo emaroñ kōmman febrile seizure. Febrile seizure ko ekkā aer jab lōmnak ñan kōmman jabdewōt kauwōtata ak pād ilo ien aitok.

Q Ewōr ke kauwōtata ko aitok-kutien aer pād elikin MMR wā?

Eloñ yiiō in eñjake ko ad ippān MMR wā im ejelok kein kamool in an kōmman jorrāan aitok-kutien.

Q Wā ko āinwot MMR rej ke kōmman autism?

Elukkun lap katak ko ekoba bukwi taujin ajri ro rejjab kwalok waween an koneek wā im autism.

EKATAK ELAPLOK KŌN WĀ AN AJRI RO



Kajjitōk ko
Kōn Measles
[cdc.gov/measles/
about/questions.html](https://cdc.gov/measles/about/questions.html)



Kōn Wā ko
ñan Ajri ro nejum
[cdc.gov/vaccines-
children/about/
index.html](https://cdc.gov/vaccines-children/about/index.html)



Ewi joñan eman in an MMR wā ko jerbal?

MMR wā eo elukkun eman an jerbal. Elikin ruo wā ko, ej kōjbarok enañin 97% in armej ro jen measles. Ejeja ñan an armej ro emōj aer wā bōk measles, ak emaroñ wałok. Bōtaab, ediklok aer maroñ kajedeed nañinmej eo ñan ro jōt. Ekkā an bar diklok ñañinmej ko aer im diklok aepokpok ko.



Elañe ijjab wā ki ajri ro neju, rej ke lukkun pād ilo elaplok kauwōtata ñan bōk measles?

Measles elukkun pidodo an ajedeed im ej juon iaan nañinmej kapopo ko ilo lalin. Jabdewōt eo ejjab kōjbarok nae measles ej pād ilo kauwōtata. Ilo an laplok joñan itotak im wotlok ilo wā, emōj ad loe an wałōntak measles keej ko, im kōmman bwe MMR wā ko en laplok aer aorōk.



Baamle eo ad ej bulāān e juon tureep in itotak ñan likin. Ewi waween ad kōjbarok ajri eo nejid jen measles?

Mōkta jen juon ien itotak ñan jikin etolak, aolep armej ilo baamle eo am rej aikuj kōjbarok jen measles ilo MMR wā kinke emaroñ ajedeed measles ilo pełaakin lal. Naan in rojāñ kein ekoba juon MMR wā ñan ajri ro 6-11 allōñ dettan im ruo wā ko (jepel lak kōn 28 raan ko) ñan ajri ro 12 allōñ im rūttolok, rimanded ro, im rūtto ro rejañin de bōk wā. Bōk wā ilo diktata 2 wiik mōkta jen tureep ep ej lełok kōjbarok eo eman tata nae measles.



Niñniñ ko rej ke kōjbarok jen measles ien eo rej lōtak?

Ñe juon niñniñ ej lōtak ñan juon mama eo ej kōjbarok jen measles, ej bōk jidik kōjbarok jen antibodies ko an jinen. Kōjbarok in ej jipañ ilo allōñ ko jinion mour ak ej tal im mojno lok ekkar ñan ien. Wā ko, ainwot MMR wā eo, ej juon waween eman ñan jipañ ajri eo nejum kalaplok an kajoor enbwinin ilo an ejelok kauwōtata in bōk measles.



Niñniñ ko rejjam aikuj bōk MMR wā ilo aer lukkun dik wōt?

Wā ko rej rojāñ ilo an armej dik wōt ñan jipañ kōjbarok niñniñ ko im ajri ro mōkta jen aer ion nañinmej kauwōtata ko, ainwot measles. Ajri ro ekkā aer bōk MMR wā eo jinion ilo 12-15 allōñ ko kinke ej ien eo antibodies ko jen jinier ej jinoe jako lak an jerbal. Ilo yiiō eo, ajri ro rej bok nañinmej in measles elaplok an maroñ wōr aer aepokpok kauwōtata ko.



Enbwinin niñniñ ko remaroñ ke aer ilo aer bōk eloñ wā ilo juon wōt ien?

Jab, niñniñ ājmourur ko rej ire ippān taujin kij aolep raan. Wā ko rej kōjerbałe antigen ko, eo ej mōttan kij ko rej kōmman an enbwin kōmman antibodies ko rej ire ippān nañinmej ko. Jokdoon ñe niñniñ ko rej bōk eloñ wā ilo juon raan, ilo wā ko ej loñ jidik wōt mōttan antigen ko niñniñ ko rej ion aolep raan ilo mełan ko aer.



Ajri eo neju enañinmej kio. Ej ke eman ñan bōk wōt wā rainin?

Ba ñan io kōn nañinmej eo an ajri eo nejum. Ñaat eo eaar jinoe im ta kakōlle ko? Ilo an ekkā, ajri ro remaroñ bōk wā jokdoon ñe ewōr aer nañinmej jidik ainwot mejin, metak lojilñi, piba, ak pidodo loje. Kememej ke ejelok jipañ in ājmour eo ej kōttar ñan wā ki ajri eo nejum elañe ewōr aer nañinmej jidik. Aorōk bwe ajri ro ren bōk wā ko aer ilo an mokaj bwe ren kōjbarok nae nañinmej kauwōtata ko.

EKATAK ELAPLOK KŌN WĀ AN AJRI RO



**Kajjitōk ko
Kōn Measles**
[cdc.gov/measles/
about/questions.html](https://cdc.gov/measles/about/questions.html)



**Kōn Wā ko
ñan Ajri ro nejum**
[cdc.gov/vaccines-
children/about/
index.html](https://cdc.gov/vaccines-children/about/index.html)